

Na'aqtaxanaxac
qataq
Paxaguenataxanaxac
lalamaxat na
ñaqpiolec

Bazán Elena y Soraire Carina

Contenido

DA LLEC DA QAŸA'AXAT DA LATAxAC DA HUO'O ŃI ŃAQ NA'ASA	3
ASO POTAI DO'OCHAŃI.....	5
SO NOGOTOLEC QATAQ SO QAGUESAQ.....	5
QAGUESAQ MAXASOXOIC	7
NVIŸO'	8
SO PAAPO'	9
ASO TE'	10
SO NOGOTOLEC ŸAUOTA'A ASO LASHEERE COQTA	11
ASO POIT	13
ASO PELA NAUEC SO MAŃIC.....	14
SO NOGOTOLEC QATAQ SO LALO PIOQ	16
SO TAPINEC QATAQ SO QOLLEGUESAQ.....	17
ASO NOGOTOLE ICAATAC SO TOXOTOQ	18
PICHAQCHEC.....	19
ASO PISHEQOŸO ŸATENACHET SO 'IPIAXAIC.....	20
NO'ONEC CHIRIRI'	22
NO'ONEC NASHEŸO.....	22
QUEMOXONALO	23
QASOXONAXA	26
SO NOGOTOLEC ŃI'IŸA SO AUOT.....	28
DA L-LOXOC ASO COME	29

DA LLEC DA QAŶA'AXAT DA LATAXAC DA HUO'O ŅI ŅAQ NA'ASA

ŅI NOGOTOLEC ŶOQTA QAICA CA 'ENA'AM DA LSOXOYEC, DA
NLOUEC YE NTE'ETA NACHE LŶACHISHIGUEM DA
LA'ASHAXAC, NACHE QUETOT YE NA'AQ, DO'ONAXAATAC,
NQALGOQTAC, PARENAXAATAC, SAQ IPACTAIQUE DA HUO'O
CA LA'ASHAXAUA.

DA 'OONOLEC ŅI NOGOTOLEC NACHE HUO'O DA
DA'AISTEGUE' DA LE'ENAXAT SO NAUOCHAXAUA LŶA
NOGOTOLEC, NACHE DA 'ANA'AXAŶAXAATA'A 'EGO' DA ŶOQTA
DATATA'AGUET CA DEMAILTEGUE'.

ŅI NOGOTOLEC SAQ ŶAŶATEN CA QUE'EJNAXAC QATAQ
NACHOXOYEC, QATAQ SAISHET DA ICOUENNATA'AGUET CA
QONTE'.

ŅI NOGOTOLEC DA LATAXAC ŶOQTA HUESOTA.



ASO POTAI DO'OCHAÑI

ASO POTAI DO'OCHETA, TAQTA LAMGUI ÑI LMIC,
NQOLOOTAC, NACHE SAQ NOMA DA IVIRAXAATAÑE AÑI
NALA'. QAQ SO NLOUEC NACHE ALOXOGUI AÑI LA'AM NACHE
CAJ JEC DASHISTEEC, NE'EPE ILAIQUE ALOQ QAGUESAQ.

SO NOGOTOLEC QATAQ SO QAGUESAQ

SO NOGOTOLEC INATTAC SO QAGUESAQ 'EETA':

QAGUESAQ, ¿MECA CA 'AIGUE 'AM?

NACHE SO QAGUESAQ 'EETA':

AÑEM SAÑASHEGUEMEC ARA 'EPAQ, SELAIQUE ANOQ 'EPAQ

LAUE.



QAGUESAQ MAXASOXOIC

ASO COME DO'OXONAXAATAC, ŸO'OTTAC ASO CANASTO,
NTO'OT SO PAQAL, NACHE NAMAXASOXOIC SO QUINSHE
QAGUESAQPI, NNOICTEUO, NA'AUTTEC SO NQUEPOC.



NVIŶO'

SO NVIŶO' PETA'AGUET NA 'ALHUA, DO'ONAXAATAC, NTO'OT
NA LE'ERAXA SO NCOŶARAXANAXAT, NACHE IPI'ITAXAATEGO'
PETA'A DA NETA'AGUET NA LE'ERAXA AŶI NALA'.

NACHE ANAC SO QOLOXOLOXO MAYE CHECTA'AGUET NA
NATTEGUIŶIPI LALAXATPI, NACHE TAQA'EN ŶALECTEUO SO
NVIŶO' DA QANALLEC, DO'ONAXANGUI QAIUOXOONAŶI, CAJ
ICOMA' SO QOLOXOLOXO.



SO PAAPO'

SO PE ÑE'EGUELAQTASHIGUEM SO PAAPO' NŶIITAC,
LAMAQTEGOIGUI SO AVIAQ NACHE SO YO'OXOÑI NACHE
SOM QOM LE'EC 'OTTAUA'A SO LAMAQTAPIGUIÑA SO PAAPO',
HUOTAIQUE DA NQAT SOM DALAXAATEGUEC QALAQ SO
IVIREUA'A NACHE ILALEC SOM QOŶALAXAATEGUEC TAQTA
HUARO'O LLALE, SIETOLQA SOUA LALQA'ATE SOTAI'
HUARO'O.



ASO TE'


SO 'ALPI NA'ALAQTA'AI' ASOTAI' TE'OLEE, NŶIITAC NETALEC
SO LAPLAZA NACHE 'EETA'AŶO' SOM 'ALPI A'AA TE'OLEE
TAQA'EN NAGUEUO, NAUA'A NA PEULO, CO' CA'AI YE
QAŶI'IPIAQO'OLEC PANTASAT.



SO NOGOTOLEC ÝAUOTA'A ASO LASHEERE COQTA


SO NTE'ETA ÝOQTA ATTOM, NACHE SO ÑAQPIOLEC QATAQ SO
PAXAGUENATAAXANAIC MAYE NETAÑA ASO
PAXAGUENAXAQUI NETA'AGUET SO NTAP, IUATTA'A SO
LAHORA DA PA'AUO, TAIGUI ANA LERAXANAXAQUIPI, QALAQ
QAÝATA'AGUE NACHE HUO'O SO QAÝA'AXAIGUET
CHEMAQTEGUINGUI SO NA'AXASOXONATAC NQA'AIC
LLÁALEC, ÝOQTA ALAM DA NLAMAXA 'EETA':

¡PIIP!....NACHE 'ENAUAC DA QAÝAMATAIQUE SOM
LAMAQTAPIGUIÑI, NACHE QAÝATAMA'AGUE QAQ NASHELTEEC
SO NOGOTOLEC NCA'ATTAUO ASOTAI' LQAÝA
DASHERAXAATA'AGUET ÝAUOTA'A ASO LASHEERE COQTA...



ASO POIT

SO AVIT NACHE NVI' SO AUOT,
CHIGOQTA'AGUE DA LA'AÑAXA, NACHE
SO IMEUEEGUE, NACHE CHIMAQCHIGUIÑALO ASO POIT
DO'ONAXAATAGUI, NTOOTAPIGUI'.



ASO PELA NAUEC SO MAÑEC

HUO'O SO NA'AQ SO MAÑEC ŸAYINA'A DA NALLITE' ASO PELA, NACHE ASO PELA QAICA CA ŸEGA NACHE ŸASATEGUET. QAQ QO'OLLAXA NACHE SO MAÑEC CHIGOQTEUO ANA NALOXO QAQ ASO PELA NACHE QAPALAU'A NA LAPIA' SO MAÑEC, NACHE TASHEGUEMEC ÑE LQAIC, NACHE QUEUEEGUE ASO L-LOTE, NACHE SO MAÑEC CHOCHAQ ILOTEUEEGUE ASO PELA HUA'AU, NACHE IPI'ITAXATEGA DA HUA'AUTA QAME' NETAGUI AÑI NLOTE, NACHE SO MAÑEC TAQTA NQUIGAXATEEC ANA NALOXO QALAQ SAQ ŸAÑOXOT DA IVI' ASO PELA QAQ QO'OLLAXA DA QAIVITA SOM NA'ANEC NACHE ASO PELA PARENAXANEUGA SO NAMANEC NACHE CAJ DAUEGAXAN, NAUEC SO MAÑEC.



SO NOGOTOLEC QATAQ SO LALO PIOQ

SO NOGOTOLEC INATTAC SO LALO PIOQ 'EETA':

ĚTÁ'AINEC DA QOLLECTAC NA POTAI LAUE?

NACHE SO PIOQ 'EETA':

ŸATA' NA'A, DA SEUET ANA ŸA'AM, NACHE SACHEC,

NACHE AŸEM NATAREN.



SO TAPINEC QATAQ SO QOLLEGUESAQ

SO TAPINEC INATTAC QO'OLLAXA SO QOLLEGUESAQ 'EETA':

¿CA 'AIGUE?


NACHE SO QOLLEGUESAQ 'EETA':

MASHE SHEGUEUO, MAICHE LTAXA DA ÑAUANAXA'T, TEN

MASHE NAYEETAUO ANA ALOÑI, SEUATA'AGUET DA AÑEM

ISOXON ASO QASOXONAXA NACHE LTAXA

ÑENOXOOSHEGUEM.




ASO NOGOTOLE ICAATAC SO TOXOTOQ

ASO NOGOTOLE NCAATEGUE' SO TOXOTOQ, QALAQ SA LCOSHE'EGUE DA NCAATEGUE', NACHE NQAJÑE, NACHE NDOUA'A ASOTAI' LQAŶA MAYE ÑAQ NQAPECTAC, NACHE ŶA'AMETA'PE NAUA L-LICTEL CHA'AYE HUOTAIQUE DA ŶE ASOTAI' LQAŶA NACHE AYAQAI DA NCAATEGUE'.



PICHAQCHEC

SO ÑAQPIOLEC DAŶACTEGA'T NETO'OT SO PAQAL
NCAATEGA'T QATAQ DO'ONAXAATAGUI, NACHE QAŶATA'AGUE
NACHE NO'ONAXATCHEGUEM NATACHEGUIÑI SO
PICHAQCHEC NACHE TATEUGALO SO ÑAQPIOLEC DATAUEC
CHA'AYE QAÑI'IŶYA SO DALAXAATEGUEC SO PICHAQCHEC
QA'AIGALA LLAALEC.



ASO PISHEQOŸO ŸATENACHET SO 'IPIAXAIC

SO QOM LE'EC TAŸAXAAMA YE ŃI'IPIAQA' NACHE NATENA'AGUET ASO PISHEQOŸO, NACHE QAŸASHAXAAŃE DA LLEC SO 'IPIAXAIC, CHA'AYE DA'AQTAXAATEGUEM DA 'EMA'AC ASO LAPEL, MAYE CHOCHAQ QAŸACOOTALEC NA LE'EC.

NACHE SO 'IPIAXAIC CA'ATTEGUE' ASO PISHEQOŸO NACHE QO'OLLAXA DA QAŸATA'AGUE NACHE ASOM PISHEQOŸO 'EETA' DAM LA'AQTAC:

SACHECTAC AYEMAYE QALAQ SAQ ŃALO'OGUET, CHA'AYE ŸOQTA ŸAGUEC AYEMAYE, QACHE TAQTA NDA'A'T ANA POXOLLAXA ASO DALAXAATEEGUEC.



NO'ONEC CHIRIRI'

HUAŸO SO'OTE'PI PATOPI

DO'OCHE SO'OTE'PI PATPOPI

NAJÑE SO'OTE'PI PATOPI

MAMA CHIRIRI'...

MAMA CHIRIRI'...

..... CHIRIRI'

..... CHIRIRI'

NO'ONEC NASHEŸO

NASHEŸO, NASHEŸO


COME LAUALATE ŸASAQASOM SO TAPINEC

QAPOM, QAPOM

QUEMOXONALO

HUO'O SO AVIT CHETANGUI SO AUOT, NACHE INOXOONEEC
AÑE NALA', NACHE YO'OQ SO QUEMOXONALO TAQA'EN.

NACHE SALLOQTO'OT NACHE ASO COME QOMI'
DA'AQTAXAAREMA DA LATAXAC SO QUEMOXONALO, 'EETA':
DA 'ALA'A SO QUEMOXONALO NACHE SAISHET DA 'ECOT DA
'AUOTA'A ANA 'AYAXAATA, TEN QOM ICHECAUEC QAQ DA
ILAMQAUEC DA MASHE 'IGUI NACHE 'ANAPIGOQ QOME AÑE
'AYAXAATA NACHE SA IPAC DA ICHECAUEC.




QASOXONAXA

SO NOGOTOLEC HUO'O ASO NQUERELA NAGUI NA LHUAQ,
NACHE HUOTAIQUE DA NATAREN QALAQ SAQ ŸAŸATEN CA
LATA' DA NATAREN ASO NQUERELA.

NACHE QA.APAXAGUENEC SO TAMNAXAC DA NACHOXONNOT
ASO QASOXONAXA, NACHE SO NOGOTOLEC IUATTA'AGUET
DA HUO'O SO AUOT NACHE IUATTA'A DA NQASHELGUIÑI
NACHA NASAXAUEC SO TAMNAXAC 'EETA':


iCOME CHAXANQA 'AM NAUA QANQUERELA, 'AUACHE,
'AUO'OT 'ARQOLA!

NACHE SO NOGOTOLEC TAŸA'AGUET DA IMIGUIÑE ASO
NQUERELA.



SO NOGOTOLEC ÑI'IŶA SO AUOT

SO NOGOTOLEC TAQTA CHEGAQÑE, NO'ONAXATCHIGUI SO LAMASHAXAUAPI SOUAXAT DA ILA'AGUET SO AUOT NAYEETASHIGUEM, ÑI'IŶA DA NVIRALEC CHA'AYE ŶAATAÑE NLOMAXAQUI TOGAXARAIC, ÑE'ETEGA DA QAIUAXAN.



DA L-LOXOC ASO COME

ASO COME ILO'OT ÑE CA'AGOXOIC NACHE 'EETA':

AUOTTAPIGUI TEN ÑE CA'AGOXOIC DASHETAÑE.

NACHE QOMI' 'EETEGALO 'EETA':

QAUAYAMAXACHIIÑI ANA QARACO'OÑAPI YAQTO' HUO'O CA
QARAQUIP DA NVI' CA AUOT.

